

اتوار 26 جنوری، 2020

مضمون - سچائی

سنہری متن: زبور 11:86 آیت

”اے خداوند مینوں اپنی راہ دی تعلیم دے۔ میں تیری راستی وچ ٹراں گا۔“

جوابی پڑھائی: زبور 100:1 توں 5 آیتاں

- 1- اے دھرتی دے رہن والیو! سارے خداوند دے حضور خوشی دا نعرہ مارو۔
- 2- خوشی نال خداوند دی عبادت کرو۔ گاؤندیاں ہوئے اوہدے حضور حاضر ہو دو۔
- 3- جان رکھو پئی خداوند ای رب اے۔ اوہنے ای ساہنوں جیساتے اسی اوہدے ای آں اسی اوہدے لوکی تے اوہدی چراگاہ دیاں بھھیڈاں وال۔
- 4- شکر گزاری کر دیاں ہوئے اوہدے پھاٹکاں وچ تے حمد کر دیاں ہوئے اوہدیاں بارگاہواں وچ داخل ہو دو۔ اوہدا شکر کروتے اوہدے نال نول دھن آکھو۔
- 5- کیوں جے رب بھلا اے۔ اوہدی شفقت ابدی اے تے اوہدی وفاداری پیڑی توں پیڑی تیکر رہندی اے۔

درسی وعظ

بائبل وچوں

1- استثنا 32 باب 1 توں 4 آیتاں

- 1- کن لاو او اے آسمانو! تے میں بولاں گاتے دھرتی میرے منہ دیاں گلاں سنے۔
- 2- میری تعلیم مینہ وانگرو رھے گی۔ میری تقریر تریل وانگرو گے گی جیویں گھاہ اُتے پھوار پیندی ہووے تے سبزی اُتے جھڑیاں۔
- 3- کیوں جے میں خداوند دے ناں دا اشتہار دیواں گا۔ تسی ساڈے رب دی وڈیائی کرو۔
- 4- اوہ ای چٹان اے۔ اوہ دی صنعت کامل اے کیوں جے اوہ دیاں سب راہواں انصاف دیاں نیں اوہ وفادار رب تے بدی توں پاک اے۔ اوہ سچا تے برحق اے۔

2- دانی ایل 3 باب 1، 8، 10 توں 13 (توں پہلا)، 14 (توں پہلا)، 15 (ڈگ کے) (توں؛) 15 (پر)، 16 (توں چوتھا)، 17، 18، 21، 24 توں 26، 28، 29 آیتاں

بائبل دا ایہ سبق پلین فیلڈ کرچن چرچ، آزادولوں تیار ہو یا اے۔ ایہ کنگ جیمز بائبل دیاں آیتاں تے میری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیااے۔

1- نبوکدنصر بادشاہ نے اک سونے دی مورت بنوائی جیدی لمبائی سٹھ ہتھ تے چوڑائی چھ ہتھ سی تے اوہنوں ڈرا دے میدان صوبہ بابل وچ کھڑا کیتا۔

8- ایس لئی اوس ویلے کجھ کسدیاں نے آکے یہوداہ اُتے الزام لایا۔

10- اے بادشاہ توں ایہہ فرمان جاری کیتا اے پئی جیہڑا کوئی قرناتے نے تے ستارے رباب تے بربط تے چغانہ تے ہر طراں دے ساز دی آواز سنے ڈگ کے سونے دی مورت نوں سجدہ کرے۔

11- تے جیہڑا کوئی سجدہ نہ کرے آگ دی بلدی بھٹھی وچ سٹ دتا جاوے گا۔

12- ہن کجھ یہودی نیں جنہاں نوں توں بابل دے صوبے دی کارپردازی لئی رکھیا اے یعنی سدرک تے میسک تے عبدنجو۔ ایہناں بندیاں نے اے بادشاہ تیری وڈیائی نیں کیتی۔ اوہ تیرے معبوداں دی عبادت نیں کردے تے اوس سونے دی مورت نوں جنہوں توں کھڑا کیتا سجدہ نیں کردے۔

13- فیر نبوکدنصر نے بوہت غصے نال حکم دتا پئی سدرک تے میسک تے عبدنجو نوں حاضر کرو۔

14- نبوکدنصر نے اوہناں نوں آکھیا۔

15- اوس مورت دے سامنے جیہڑی میں بنوائی اے ڈگ کے سجدہ کرو۔۔۔ پر جے سجدہ نہ کرو گے تے اوس ویلے آگ دی بلدی بھٹھی وچ سٹ دتے جاو گے تے کیہڑا معبود تہا نوں میرے ہتھ توں چھڑاوے گا؟

16- سدرک تے میسک تے عبدنجو نے بادشاہ نوں عرض کیتی۔

17- ویکھ ساڈا رب جیدی اسی عبادت کردے آں ساہنوں آگ دی بلدی ہوئی بھٹھی توں چھڑاؤن دی قدرت رکھدا اے تے اے بادشاہ اوہ ای ساہنوں تیرے ہتھ توں چھڑاوے گا۔

- 18- نیں تے اے بادشاہ تینوں پتہ ہووے پئی اسی تیرے معبوداں دی عبادت نیں کراں گے تے اوس سونے دی مورت نوں جیہڑی توں کھڑی کیتی اے سجدہ نیں کراں گے۔
- 21- فیر ایہہ مرد اپنے زیر جامیاں قمیضاں تے عمامیاں سمیت بنھے گئے تے آگ دی بلدی بھٹی وچ سٹ دتے گئے۔
- 24- فیر نبوکد نصر بادشاہ غصے وچ آکے چھیتی نال اٹھیا تے ارکان دولت نال مخاطب ہوکے آکھن لگا کہ اسی تے بندیاں نوں بنھو کے آگ وچ نیں سٹوایا؟ اوہناں نے جواب دتا پئی بادشاہ نے سچ آکھیا اے۔
- 25- اوہنے آکھیا ویکھو میں چار بندیاں نوں آگ وچ کھلا پھر دا ویکھداں تے اوہناں نوں کجھ نقصان نیں اپڑیا تے چوتھے دی شکل الہ زادہ وانگراے۔
- 26- فیر نبوکد نصر نے آگ دی بلدی بھٹی دے بوہے اُتے آکے آکھیا اے سدرک تے میسک تے عبد نجورب تعالیٰ دے بندو! باہر نکلو تے ایدھر آو۔ ایس لئی سدرک تے میسک تے عبد نجو آگ وچوں نکل آئے۔
- 28- ایس طراں بنوکد نصر نے پکار کے آکھیا پئی سدرک تے میسک تے عبد نجو دارب دھن ہووے جنسے اپنا فرشتہ گھل کے اپنے بندیاں نوں رہائی دتی جنہاں نے اوہدے اُتے بھروسہ کر کے بادشاہ دے حکم نوں ٹال دتا تے اپنے بدناں نوں قربان کیتا پئی اپنے رب دے علاوہ کسے دوجے معبود دی عبادت تے بندگی نہ کریئے۔
- 29- ایس لئی میں ایہہ فرمان جاری کرداں پئی جیہڑی قوم یا امت یا اہل زبان سدرک تے میسک تے عبد نجو دے رب دے حق وچ کوئی نامناسب گل آکھن اوہناں دے ٹوٹے کیتے جاوے گے تے اوہناں دے گھر تباہ ہو جاوے گے کیوں جے کوئی دو جا معبود نیں جیہڑا ایس طراں رہائی دے سکے۔

3- یوحنا 8 باب 1، 2، 26 توں 32 آیتاں

- 1- پر یسوع زیتون دے پہاڑ آتے گیا۔
- 2- صبح سویرے ای اوہ فیر ہیکل وچ آیاتے سارے لوکی اوہدے کول آئے تے اوہ بیٹھ کے اوہناں نوں تعلیم دین لگ پیا۔
- 26- میں تہاڑے بارے بوہت کجھ آکھناتے فیصلہ کرناے پر جنسے مینوں گھلیا اوہ سچاے تے جو کجھ میں اوہدے توں سنیا اوہ ای جگ نوں آکھداواں۔
- 27- اوہ نہ سمجھے پئی اوہ ساہنوں پیو دے بارے آکھداے۔
- 28- ایس طراں یسوع نے آکھیا پئی جدوں تسی ابن آدم نوں اچا چڑھاؤ گے تے جانو گے پئی میں اوہ ای آں تے اپنے ولوں کجھ نئیں آکھدا بلکہ جو کجھ پیو نے مینوں سکھایا اوہ سے طراں ایہہ گلاں آکھداواں۔
- 29- تے جنسے مینوں گھلیاے اوہ میرے نال اے۔ اوہنے مینوں کلا نئیں جھڈیا کیوں جے میں اوہ ای کم کرداں واں جیہڑے اوہنوں پسند آؤندے نیں۔
- 30- جدوں اوہ ایہہ گلاں آکھ رہیا سی تے بہتیرے اوہدے تے ایمان لیائے۔
- 31- ایس طراں یسوع نے اوہناں یہودیاں نوں آکھیا جنساں نے اوہدے یقین کیتا سی پئی جے تسی میرے کلام وچ قائم رہو وگے تے اصل وچ میرے چیلے ٹھہرو گے۔
- 32- تے سچائی نوں جانو گے تے سچائی تہانوں آزاد کرے گی۔

4 یعقوب 1 باب 17، 18 آیتاں

17- ہر چنگی بخشش تے ہر کامل انعام اتوں اے تے نوراں دے پیوولوں ملدا اے جیدے وچ نہ کوئی تبدیلی ہو سکدی اے تے نہ گردش دے پاروں اوہدے اُتے پرچھانوواں پیندا اے۔

18- اوہنے اپنی مرضی نال ساہنوں سچے کلام دے پاروں جمیاتاں جو اسی اوہدی مخلوق وچوں اک طراں دے پہلے پھل ہوئے۔

سائنس تے صحت

1- 21-13:7

سوچن والیاں لئی ویلہ اپڑ گیا اے۔ سچائی، عقیدیاں دی آزادی تیویلیے دی قدر دے نظام، انسانیت دے آستانے اُتے دستک دیندے نیں۔ ماضی دی قناعت تے مادہ پرستی دی ٹھنڈی تقلید تک رہی اے۔ رب توں لاعلمی ہو ر ایمان دے رستے دا پتھر نئیں رہی۔ وفاداری دی واحد ضمانت اوس ہستی دے بارے درست سیان اے جنہوں چنگے طریقے نال جاننا ای ہمیشہ دی حیاتی اے۔ بھانویں سلطنتاں برباد ہو جاندیاں نیں، پر ”خداوند ہمیشہ تیکر سلطنت کرے گا۔“

2- 4-28:224

سچائی آزادی دے عنصر پیدا کر دی اے۔ ایہدے جھنڈے اُتے روح دا الہامی نعرہ ”غلامی ٹک گئی اے“ لکھیا ہویا اے۔ رب دی قدرت قیدیاں لئی آزادی لیاؤندی اے۔ کوئی طاقت الہی محبت دا مقابلہ نہیں کر سگدی۔ اوہ کیہڑی فرض کیتی گئی طاقت اے جیہڑی اپنے آپ نوں رب دے خلاف کھڑا کر دی اے؟ ایہہ کتھوں آؤندی اے؟ اوہ کیہڑی شے اے جیہڑی انسان نوں لوہے دیاں بیڑیاں دے نال پاپ، موت تے بیماری نال، بنھیا رکھدی اے؟ جو کجھ وی انسان نوں غلام بناؤندا اے اوہ الہی حکمران دا مخالف اے۔ سچائی انسان نوں آزاد کر دی اے۔

3- 14-6:259

الہی سائنس وچ انسان رب دی اصلی شبیہ اے۔ الہی فطرت نوں مسیح یسوع وچ بوہت چنگے طریقے نال بیان کیتا گیا اے، جنہے انساناں اُتے رب دی بوہت مناسب عکاسی ظاہر کیتی تے ماڑی سوچ دے نمونے توں وڈھی معیار زندگی فراہم کیتی، یعنی اچھی سوچ جیہڑی انسان دے ڈگن، بیماری، پاپ کرن تے مرن نوں ظاہر کر دی اے۔ سائنسی ہستی تے الہی شفا دی مسیح ورگی سمجھ وچ کامل اصول تے خیال، کامل رب تے کامل انسان، سوچ تے اظہار دی نیوں دے طور تے شامل ہندے نیں۔

4- 15-1:286

اک انسانی عقیدے اُتے بھروسے دے پاروں سچائی نوں لبھنا لا متناہی نوں سمجھنا نئیں اے۔ ساہنوں متناہی، زوال پذیر تے فانی دے پاروں لازوال تے لافانی نوں نئیں لبھنا چاہیدا، تے اینج اظہار دی بجائے بھروسے اُتے انحصار کرنا چاہیدا اے، کیوں جے ایہہ سائنسی علم لئی خطرناک اے۔ سچائی دی سمجھ سچائی اُتے مکمل ایمان فراہم کر دی اے تے روحانی فہم ساریاں سوختنی قربانیاں توں چنگا اے۔

مالک نے آکھیا، ”کوئی میرے وسیلے توں بغیر پو (ہستی دے الٰہی اصول) دے کول نئیں آؤندا،“ د یعنی مسیح، حیاتی، سچائی تے پیار دے بغیر؛ کیوں جے مسیح آکھدا اے پئی، ”راہ میں واں۔“ او س اصلی انسان یعنی یسوع، دے پاروں طبیب دے اسباباں نوں پہلے درجے توں آخری تیکر کردتا گیا سی۔ اوہ جان داسی پئی الٰہی اصول یعنی پیار اوہناں ساریاں نوں خلق کرداتے اوہدے اُتے حکمرانی کردا اے جو اصلی اے۔

5- 10-5:161

پاک الہام نے اجیسیاں ذہنی حالتاں پیدا کیتیاں نئیں جیہڑیاں پانہڑاں دے ردِ عمل نوں ممکن دے قابل نئیں، جیویں کہ بائبل وچ تن عبرانی قیدیاں دا معاملہ سی، اوہناں نوں بائلیاں دی بھٹی وچ ٹٹیا گیا سی، جد کہ اک مخالف ذہنی حالت اچانک سلگن نوں پیدا کر دی اے۔

6- 9-4:243

الہی پیار، جنہے زہریلے سڀ نوں بے ضرر بنایا، جنہے بندیاں نوں اُبلدے ہوئے تیل توں، بلدے ہوئے تندور توں، شیر دے پنچیاں توں بچایا، اوہ ہر دور وچ بیمار نوں شفا دے سکداتے پاپ تے موت اُتے فتح مند ہو سکدا اے۔ اوہنے یسوع دے اظہاراں نوں بلا سبقت طاقت تے پیار نال سر تاج کیتا۔

7 - 167:22-31

ساکن ہونا تے درمیانی راہ اپنا نایا روح تے مادے، سچائی تے غلطی نال کٹھے کم کرن دی امید رکھنا عقلمندی نہیں۔ راہ ہے اے پر صرف اک، یعنی، رب تے اوہدا خیال، جیہڑا روحانی ہستی ول راہنمائی کردا اے۔ بدن اُتے سائنسی حکمرانی الہی سیان دے پاروں حاصل ہونی چاہیدی اے کسے دو جے طریقے نال بدن اُتے قابو پانا ممکن اے۔ ایس بنیادی نقطے اُتے، کمزور قدامت پسندی بالکل ناقابل قبول اے۔ سچائی اُتے صرف انتہائی بھروسے دے پاروں ای سائنسی شفا تہ قوت نوں محسوس کیتا جاسکدا اے۔

8 - 495:6-13

جے بیماری سچ اے یا سچائی دا خیال اے تے تسی بیماری نوں برباد نہیں کر سکدے تے لیسدی کوشش کرنا وی مضحکہ خیز ہووے گا۔ تے فیر بیماری تے غلطی دی درجہ بندی کرو، جیویں ساڈے مالک نے کیتا، جدوں اوہنے اک بیمار دے بارے آکھیا، ”جنہوں ابلیس نے بنیا ہو یاسی،“ تے انسانی عقیدے اُتے عمل کر دیاں ہوئے سچائی دی اوس حیاتی بخش طاقت وچ غلطی لئی اک اعلیٰ زہر مار لبھو جیہڑی طاقت اجیسے قیدیاں لئی قید دا بوبا کھولدی تے بدنی تے اخلاقی طور تے قید توں آزاد کردی اے۔

9- 29-14:227

انسان دیاں اصلیتاں نوں سمجھدیاں ہوئے اسی سارے ظلماں دی تباہی دے بارے پیش بینی کرن وچ ناکام
نئیں ہو سکدے۔ غلامی انسان دی جائز حالت نئیں اے۔ رب نے انسان نوں جمیا۔ پولوس نے آکھیا، ”میں
آزاد جمیا۔“ سارے انساناں نوں آزاد ہونا چاہیدا اے۔ ”جتنے کتر خداوند روح اے، اوتھے آزادی
اے۔“ محبت تے سچائی آزاد کردے نیں، پر بدی تے غلطی غلامی ول لے جاندا ہے۔

کر سچن سائنس آزاد نوں اچا کر دی تے چیکدی اے پئی: ”میرے مگر ٹرو! بیماری، پاپ تے موت دے
بندھناں توں بچو!“ یسوع نے راستہ سدھا کیتا اے۔ جگ دے واسیو! ”رب دے بچیاں دی جلالی آزادی“
نوں قبول کرو، تے آزاد ہوو! ایہہ تہاڈا الہی حق اے۔ مادی حس دے وہم نے، نہ کہ الہی قانون نے، تہانوں
بنھیاں ہوئیاں، تہاڈے آزاد حصیاں نوں جکڑیا ہوئیاں، تہاڈی صلاحتاں نوں پھڑکے رکھیاں، تہاڈے
جسم نوں ماڑا کیتا ہوئیاں، تے تہاڈی ہستی والی تختی نوں خراب کر کے رکھیاں۔

10- 9-2:368

سائنس توں متحرک اعتماد ایس سچائی وچ لکھیا اے پئی سچائی اصلی اے تے غلطی غیر حقیقی اے۔ غلطی سچائی
دے سامنے ڈرپوک اے۔ الہی سائنس ایہدے تے زور دیندی اے پئی ویلہ ایہہ سب کجھ ثابت کرے گا۔

بائبل دا ایہہ سبق پلین فیلڈ کرچن پرچ، آزاد لوں تیار ہوئیاں۔ ایہہ کنگ جیمز بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی
کتاب، ”سائنس تے صحت آیتاں دی کنجی دے نال“، وچوں لیاں ہوئیاں لازمی تفسیریں نال بنیاں۔

سچائی تے غلطی دونوں انسان دی سوچ توں کتر بوہتے نیڑے ہوئے نیں، تے سچائی فیرومی واضح تر ہندی جاوے گی کیوں جے غلطی اپنے آپ نوں برباد کرن والی اے۔

11- 130:26-5

جے رب یا سچائی دی بالادستی لئی سائنس دے مضبوط دعوے اُتے خیال چونک جاندے نیں تے چنگیائی دی بالادستی اُتے شک کردے نیں، تے کیہ ساہنوں، ایہدے اُلٹ، بدی دے زبردست دعویاں اُتے حیران ہونا، اوہناں اُتے شک کرنا تے پاپ توں نفرت کرن نوں فطری تے ایہنوں چھڈ دین نوں غیر فطری خیال کرنا، بدی نوں ہمیشہ موجود تے چنگیائی نوں غیر موجود خیال نئیں کرنا چاہیدا؟ سچائی نوں غلطی وانگر عجیب تے غیر فطری نئیں لگنا چاہیدا تے غلطی نوں سچائی وانگر اصلی نئیں لگنا چاہیدا۔ بیماری نوں تندرستی وانگر دکھالی نئیں دینا چاہیدا۔ سائنس وچ کوئی غلطی نئیں اے، تے رب یعنی ساریاں شیواں دے الہی اصول دے نال ہم آہنگ ہوون لئی ساڈیاں حیاتیاں اُتے اصلیت دی حکمرانی ہونی چاہیدی اے۔

12- 228:11-15

انسان دی غلامی ٹھیک نئیں اے۔ ایہہ اوس ویلے تک جاوے گی جدوں انسان اپنی آزادی دی وراثت، مادی حواس اُتے اپنی رب ولوں دتی ہوئی حاکمیت وچ وڑھ جاندا اے۔ فانی لوک اک دن قادر مطلق دے نال اُتے اپنی آزادی داد عویٰ کرن گے۔

بائبل دا ایہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیا اے۔

13- 1-31:288

ابدی سچائی اوہنوں برباد کر دی اے جیہڑا انسان نوں غلطی توں سکھیا ہو یا کھالی دیندا اے تے رب دے پتر
دے طور تے انسان دی اصلیت روشنی وچ آؤندی اے۔

14- 4:380 صرف

سچائی ہمیشہ فتح مند رہتی اے۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کر دا اے، تے اک مسیحی سائنسدان پاپ نوں رد کر دیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہدے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔